



7. juli 2025

Inatsisarttut suleriaasianni § 37 imm. 1 tunngavigalugu matumuuna ukunannga Naalakkersuisunut apeqquteqaateqarpunga.

Naalakkersuisunut apeqquteqaatit:

1. **QAMANI (2023-2028) atortuulersinneqarnerata kingorna uppersaatalimmik immiut toquttartut toqoriartartullu amerlassusaanik appartitsisimava?**
 - a. Qaqugu Inatsisartut killiffissiuilluni nalunaarusiamik takunissartik naatsorsuutigisinnaavaat?
 - b. Qanoq inuusuttut qanigisaasullu iliuusissiap suliniutigineqarneranni nalilersorneqarnerannilu akuutinneqassappat?
2. **Naalakkersuit qanoq nalilerpaat, iliuusissiap anguniagaasa iserfigiuminartumik saaffiginniffissatut periarfissat aammalu innuttaasut immiut toqunnissamik eqqarsartunut tapersersuineq pitsaasoq naammassimanersoq?**
 - a. Piffinni inunnik attaveqarfissanik sullissisussanillu immiut toquttarnerup pinaveersaartinnissaanut nunaqarfinni illoqarfinnilu pilersaarutigineqartut pilersinneqarsimappat?
 - i. Taakku nalilersorneqarsimappat?
3. **Naalakkersuisut ilisimasaqarnerpat Tusaannga-mut sianertartut apparsimanerannik, qaffassimanerannik imaluunniit allanngorsimannginnerannik iliuusissiap atortuulersinerata kingorna?**
4. **Nunatta iluani suliniuteqartoqarsimava immiut toquttarnerup nipangiutiinnartannginnissaanik siunertaqartumik soorlu iliuusissiami tamanna peqqussutigineqartoq?**
 - a. Taakku qanoq kinguneqarsimappat?
5. **Alloriaatit suut tiguneqarsimappat meeqqat atuarfianni inuusuttullu ilinniarfiini inuunerissaarnerup tarnikkullu peqqissutsip annertusarnissaanut?**
 - a. Suliniutit taakku sunniutaat qanoq naatsorsorneqarpa?
6. **Naalakkersuisut oqaluuserisamut soqutiginaatilinnik allanik paasissutissiisinnaanerlutik?**

(Inatsisartunut ilaasortaq Jørgen Rosbach, Demokraatit)

Tunngavilersuut

Immiut toquttarnerup suli maani nunatsinni peqqinnissamut unamminartuni ilungersunarnerpaat ilagaat ukiullu tamaasa meerarpassuit, inuusuttorpassuit inersimasorpassuillu eqqortarlugit. Naak 1980-sikkut kingorna appariaateqalaarsimagaluartut, suli immiut toquttartut ukiumut 40-rut aamma 60-sit



akornanniittuarsinnarput. Imminut toqunnerit ukiuni qulikkaani ilaqutariinni inuiaqatigiinnilu ikilersuisimaqaat, aamma pingaartumik inuusuttut akornanni ajornartorsiut sakkortuvoq: Imminut toqunnerit amerlanerpaasarput angutit inuusuttut 20-24 ukiullit akornanni arnallu inuusuttut akornanni 15-19 ukiullit akornanni.

Nunatsinni sumi pisarnerat annertuumik assigiinngissuteqarpoq. Tunumi imminut toquttarneq arfineq-marloriaammik Nuummit qaffasinneruvoq, pingasoriaammillu qaffasinnerulluni illoqarfinnit annerusunit Nunatta Kitaani.

Iliuusissaq QAMANI, piffissaq 2023-2028-imut tunngasup, siunertaraa imminut toquttartut amerlassusaanik ikilisaanissaq orneriaannarnik toraagalinnillu tapersorsorneqarnissamik neqeroorutiniq pilersitsinikkut, piffinni suliniutit ilisimaarilersinnissaat, innuttaasut akuutinissaat aammalu inuiaqatigiinnik ammanerusunik pilersitsinissaq, imminut toquttarnermik oqaluuserinnissinnaasut kannguginagu nipangiutiinnarnagulu. Ingammik pingaartuuvuq, iliuusissap meeqqat inuusuttullu tarnikkut peqqissusaannik pingaartitsinissaa ataatsimoornerit nukittorsarniarsarinissaat, inuunerinninngortitsiniaanissaq atuarfinni piffinnilu.

QAMANI suliniuteqarfigisassanik qitiusunik sisamanik tikkuussivoq; saaffiginninnissamut periarfissanik pilersitsineq, innuttaasut akuutinneqarnissaat aammalu tarnikkut ikiueqqaarnermik ilinniartitsinissaq, atuarfinni inuusuttullu ilinniarsiini inuunerissaarnerulernissamik suliniuteqarnissaq aammattaarlu imminut toquttarnerup nipangiutiinnarneqartarnerata illuanut saatsinnissaa akisussaassuseqartumik isummersoqatigiinnikkut tusagassiuutitigut.

Taakku naak suliniutaagaluartut ineriartornerup takutippaa, sulit unammilligassarpassuaqartoq. Politiit ukiut tamaasa imminut toqunnissamik sioorasaarisut imminullu toqoriaraluarnert amerlasoorpassuit nalunaarsortarpaat, siunnersuisarfiillu soorlu Tusaannga imminut toqunnermut tunngasunik saaffiginnissutit amerlasoorpassuit tigusarpaat. Inuusuttorpassuit taakku qanigisaat sakkortuumik misigisaqarnerminni kisimiittutut misigisarput susinnaajunnaartutullu misigisimasarlutik imminut toqunnissamik eqqarsartunik namminneq imaluunniit allat naapinneranni.

Taamaattumik pingaaruteqarluinnarpoq, Inatsisartut periarfissinneqarnissaat paasiniarnissaanut, iliuusissap anguniagai ilumut piviusunngortinneqassanersut. Aammalu malunniuteqarnersut. Pisariaqarpoq uppersassallugu iliuusissami allanneqarsimasut atortuulersinneqarsimanersut, siunertarineqartutut ingerlanneqarnersut aammalu inuunermik annaassinissamut tapertaasimanersut.

Taama ajornartorsiut ilungersunartigitillugu soorlu imminut toqunneq taamaattoq naliliinissamik ersarissumik piumasaqaatitaqartariaqarpoq, akisussaassuseqarnermik iliuuseqarnermillu. Naalakkersuisut nalunaajartariaqarpaat, suliaq qanoq ingerlanersoq. Tamanna inuit, ullumikkut imaannaanngitsunik eqqarsaatigartut pillugit, aammalu qimataasimasorpasuit eqqarsaatigalugit.

Apeqquteqaatima ullut suliffiusut qulit iluanni akineqarnissaat qilanaaraa.